

محل مطبعه و اداره :

جفـال اوغلانـده امنيت
صندوغـي جوارنده
شنكول يقوشنده
۲۲ نومرو

مستطابق

اظـار :

مسلكـمزه . و افق آثار
جدیدہ مع المـنونیہ
قبول اولنور

درج ایدلمین آثار اعاده اولنماز

دیرہ ، فلسفہ ، علوم ، حقوق ، ادبیات تاریخ ، و سیاسیاندرہ و بالخاصہ احوال و شئونہ اسلامیدر بحث ایدر و هفته درہ بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلہ دن مقوا بورو ایله کوندربلیرسه سنوی
۲۰ غروش فضلہ آلنیر

۱۰ تموز ۳۲۴

سنہ لکی	التی آیلنی	غروش
ممالک عثمانیہ ایچون	۶۵	۳۵
روسیہ	۶۵	۳۵
سائر ممالک اجنبیہ	۱۷	۹

حصوله کتیر مشدر، ناصل که (تجارت اتحادلری Trades Unions) نك فعالیتلری (اوسته جمعیتلری Masters, Unions) تشکیلنه برسبب فاعل اولدیسه بو آنه قدر موجودیتلرینی محافظه ایدن مستقل حکومت اسلامیة نك ده اوروپا دولتلری طرفندن یا آیری آیری ویامتفقاً سیاسی تضیقلر کورمسی؛ بوبرلرلرندن بی خبر کی دوران داغینیق حکومتلری در حال دالمش اولدقلری غفلت اویقوسندن اویاندیرمش وهب بردن کندیلری اوزرینه چو کمک اوزره بولونان تهلاکه عمومیه پی کوزلری او کنه کتیرمش وتدریجاً، فقط غیر قابل اجتناب برصورتله اونلری برنوع تکافل اجتماعی به سوق ایتمشدر، ایشته پانسلا میزم دینیلن حرکتدن بحث ایدرکن بز اوتعیری بویه بر معنایه آلیورز.

عالم اسلامک انتباهی - که بوصوک اوتوز قرق سنه ظرفنده نظر دقتی آز ویا چوق جالب برصورتده، وکرک سیاسی کرک دینی برشکلده تورکیاده، ایرانده، مصرده، فاسده، قفقاسیاده، قریمده وهندستانده تظاهراتی کوسترمشدر - شهسز ژاپونلرک روسلر اوزرینه اولان غالبیتی نتیجه سنده دهها زیاده شدت وسرعت کسب ایتمشدر زیرا بو مظفریت اونلره اثبات ایتمشدرکه مساوی بر صورت مجهز و مسلح اولدقلری حالده آسیالیر میدان حربده هر زمان اوروپانک ادهشتلی اردولرینه مکملاً قارشى طوره بیله جک براقتدارى حائزدرلر.

لکن بو انتباه دهها چوق اول بر زمانده باشلامشدر. ایلك اولکی ژون تورکلردن شناسی افندی، ضیا پاشا وکال بک طرفلرندن ابتهدار اولونان تورکیا حرکت اصلاحیه سی [۱] ۱۲۹۳ مشروطیتک تأسیس بیله ذروه کالنه چیقیور. عثمانلی - روس محاربه سنک او قارا کلک کونلرنده دوچار ضعف اولویور. وسلطان حمیدک اداره ظالمه سی آلتنده ده بوسبوتون بوغوله رق ازلمش کی کورونویورکه بردن، ایران مجلس مبعوثانک، ایران شاهى ایله روس ایلقی عسکرلری طرفندن تخریبندن تام بر آی صوکره هیچ بکله نیلیمه یں قیام مسعود، ۲۴ تموز ۱۹۰۸ انقلابی ایله نتیجه لهرک پارلاق بر چهره حریتله بدیدار اولویور. ۱۸۷۱ ده انکلیزلر طرفندن اشغالی زماننده اوج کالنه واصل اولان مصر حرکت ملیه سی ده هنوز سونمکدن پک اوزا قدر. بو صوک برقچ سنه ظرفنده بر چوق کره لر زنده بر حیاتک قوتلی اماره لرینی کوسترمشدر! مشروطیتک (مظفرالدین) شاه طرفندن ۱۵ اغستوس ۱۹۰۶ ده تأسیسیله - غایه کالنه واصل اولان وهر نه قدر بر مدت ایچونسده هر حالده ینه برمدت ظر نده ۲۳ حیران ۱۹۰۸ ضربه ارتجاعیه سیله توقیف ایدلمش بولونان ایران اختلالی تظاهرات خارجیه سنه باقیلیرسه دهها چوق زمان اول کندینی کوسترمشدر. ۱۸۹۱ ده کی توتون وتبا کو امتیازاته قارشى، متوالی عصیانلر، هیجانی اختلالر حصوله کتیرمشدر.

[۱] کنج تورکلر حرکت احرارانه سنک صفحات ادبیه سی حقنده دهها ای بر فکر آلمق ایسته یلر میستر ایلیاس جون ولکندن کیلک تاریخ اشعار عثمانیه جلدینک بشنجیسی کورسونلر. بالخاصه برنجی باب که «دور جدیدک فجر طلوعی» سرلوحه سنی حاویدر. (لوندیه - لوزان ۱۹۰۷).

— ای قجه دولی! بن سکا ویردم ایسه بالطه،
قالقیشمی دیدم مسجدی ییقمق کی خلطه؟
سویله آقا طیر! بویله جه برهرزه یه دم می؟
اورماندن اودون کس، کتیر اوغلم؟ دیمه دم می؟
اودن، طاغه طوغری کیده یم دیرده چیقارسک،
صوکره کله رک جامعه دیواری ییقارسک!
های چیقماز اولایدک، او ایچنده کبره یدک!
اورتردی سنک عیسی یر، قبره کیره یدک!

§

واقعه ده مصنوع ایسه ده، قصه سی، راوی
صغیرمش اونک ضمننه برخیلی فحای
ازجمله دییور: برایشی ناهلنه ویرمه
دیواری ییقار صوکره، شریک اوله او جرمه
برده بونی افهام ایدیور: ای یدمقبل!
آوجکده کی سررشته بختک یرینی بیل!
طالع سکا ویرمش ایسه برتیشه قدرت،
اعماره چالیش، ایتمه اونی ییقمایه آلت!
یوقسه زده لر کوشکی سرنبجه تکدیر،
یینک ازیلیر ایندیکی دم مشته تقدیر!

طاهر المولوی

انقلاب ایران

در

مجاهد اسلام

سید جمال الدین افغانی حضر تلری

۱۹۰۲ سنه سی یاز اثنالرنده بکا پانسلا میزم حقنده بر قونفرانس ویرمک رجاسنده بولوندیلر، اوزمان دارالفنون اکستانسیونستلری کبریجی زیارته کلشردی، بو قونفرانسه اتحاد اسلامک موجودیتنه شبه لر ایدیور، اونی برمسلمان دوستمک تعبیرنبجه تایمک ویا نه مخبری طرفندن کشف اولونمش برغریبه قیلندن، عادتاً صاحجه بر بوش بوغاز. لقندن عبارت کی برشی دیه تعریف ایدیوردم. شمده جلالا بویان - اسلامیزم تعبیرینک آچدینی اعتراضاتی دوشونویورم. شمده یه قدر اتحاد اسلام، دهها دوغروسی پان اسلامیزم دینجه غریبه بر معنای تعصب احتوا ایدن دینی بر اتحاد ظن اولونوردی. فقط شبهه سزکه بواسلام اتحادی پانسلاویزم، یا خود پان جرمانیزم ویا خود بریتیش امپریالیزم دن دهها آز متعصبانه در. زیرا اولاً: تجاوزی دکل، تدافعی در. ثانیاً: دهها آز معقول اولان بر (عرق) اشتراکی اوزرینه دکل، دهها زیاده معقول اولان بر «عقیده» اشتراکی اوزرینه مبتتیدر. ینه هیچ شبهه یوقدرکه حادثات اخیر ملل مسلمه آره سنده کی حس اخوت و اشتراک منافی

ایشته خلقك بو هیچ انتظار اولونمایان بر صورتده ، عدم ممنونیتی بیان ایچون آتشلر پوسکورمه سی اوندن بش آلتی سنه اول کتابك بوفصلنده کندیسنگ ترجمه حالی یازمق قصدنده بولوندیغم شایان دقت بر ذات طرفندن وقوعه کتیرلمش بر کیفیتدر .

بوراده قارشیمزه غایت جاتاللی بر مسئله چیه بیلیر ؛ بویوک آدملمی بویوک حرکاتی حصوله کتیرلر ؛ بویوک حرکتلمی بویوک آدملمی وجوده کتیرلر ؛ هر حالده بوزلرک ایکسی ده بر لرلندن غیر قابل تفریقدر . وممل مسلمه نك اتحاد وحریته دوغرو اولان حرکتلرنده سید جمال الدین قدر صریح بر رول اوینامش کیمسه یوقدر . اوجمال الدین افغانی که بویوک بر قوت طبع ، اعجاز بخش بروسعت علم ، یورولماز بر فعالیت شدید ، یکلمز بر عزم وجسارت ، خطابت وکتابتده خارق العاده بر فصاحت ، منظره خارجه سنده معظم اولدیغی قدر قوی بر جاذبه صاحبی بر ذاتدر ؛ او عینی زمانده فیلسوف ، محرر ، خطیب ، غزه جی ، فقط هپسنگ فوقنده ، سیاسی ایدی ؛ مفتون کالاتی اولان تماشا کرانی نظرلرنده بیهک بروطن پرور و سیاست شناس خلا فکیرانی آره سنده ده تهله ککی بر محرک عد اولونوردی .

وقت وقت ، ممالک اسلامک اکثرینی ، بویوک دولتلرک یا تختلرینی زیارت ایتمش ، شرقده وغربده زماننک رؤسای سیاسیه سیله بعضاً دوستانه ، اکثریا خصمانه بر صورتده پک صبیق مناسباتده بولونمشدر . ترجمه حالی ایچون ایجاب ایدن مالزمه تحریریه هر نه قدر پک چوق ایسه ده همان اکثریسی عربجه در [۱] ، بوراده کی ترجمه حالی پک مختصردر . « مادیونه ردیه » سنک عربجه ترجمه سنک باشنه کچیریلن مقدمه دن آلینمشدر ؛ (اساساً ۱۸۸۰ ده حیدر آبادده بیروتده نشر اولونمشدر . ۱۸۹۷ ده وفاتندن صوکره قلمه آلینان دیگر بر ترجمه حال جورجی زیدانک « مشاهیر شرق » کتابنک ایکنجی قسمنده در . (صفحه ۵۴ ، ۶۶) بو کتاب ده ۱۹۰۳ ده مصرده نشر اولونمشدر ؛ ده ها پک یاقینلرده مصر خزینه ادبییه سی (المنار) اونک قصالانه وپر وقوعات مسلک حیاتنک بوتون صفحاتی مصور یکی ومبذول وثیقه لر نشر ایدیوردی وحالده ایدیور . جمال الدینک اک بویوک واک عالی رفیق مصر مفتی اعظمی شیخ محمد عبده در ، مشار الیه شبهه سز اک بیوک متفکرین اسلامیه دن وزمانمزلرک اک بویوک استادلرندن اولدیغی حالده سید جمال الدینه (استادم) دیمکه اقتضای ایدردی ایلک اول ۱۸۷۱ تاریخلرنده مصرده بولوشدیلر ؛ او تاریخندن اعتباراً سید جمال الدینک ترجمه حالی ایچون پک واسع وشایان اعتماد مواد واردر ؛ لکن بوندن اولکی حیات وسرگذشتی ایچون بالکرتک بر خبر ومعلوماتمز واردرکه بر آرز ضعیف اولمقله برابر شو مشکلاتی عرض ایدرکه افغانستانی محل تولدی ودوره شبانک صحنه کذرانی

[۱] بو باب یازیلنجیه قدر عجمستاندن ناظم الاسلام کرمانی طرفندن تألیف وبر چوق قیمت تاریخیه بی حاوی متعدد وثائق ایلله تزین اولونمش غایت مهم « تاریخ بیداری ایران » کتابی آلدیم . ۱۱۲ صفحه دن عبارت اولان مقدمه سی آلمده در ، بونده جمال الدینه عائد بر چوق شیلر واردر قارئنه کتابک صوکنده کی نوظلره مراجعت بویورمه لرینی توصیه ایدرم .

کی کوستردیکی حالده ، بوتون عجملر ، حتی ایرانده دائر ایشلرده اک بیوک بر صاحب کلام اولان جنرال هوتوم شیندلر طرفندن بیله تصدیق اولونویورکه سید افغانستانده کابل یاقینده کی اسعد آبادده دکل ، عجمستانده همدان قربنده کی اسعد آبادده دو غمشدر ؛ که [۲] بویله بر حالده کندی بیاناتی موجبجه (۶۸ - ۱۸۵۷) افغانستان امور سیاسیه سیله بو قدر صبیق بر ارتباطه کیریشه بیلیر ؛ خاطره بر شی توارد ایدرکه سید جمال الدین ایرانی اولدیغی حالده کندینی افغانلی دیه کوسترمشدر ؛ چونکه قسماً سنی بر مسلمان عد اولنه بیلیمک ایچون بوندن ایی بر چاره یوق کیدی . قسماً ده ، بوضورتله ایران حکومتی طرفندن تبعه سنه قارشکی کوستریلن لطف وحامیتک پاموق طیرناقلرندن قورتوله بیلیمک قابل اوله بیلیردی دینیه بیلیر . کندی روایتنه نظر آسید محمد جمال الدین افغانی ۱۲۵۴ سنه هجریه سنده کابل ملحقانندن « قانار » ده تولد ایلیمشدر ؛ پدرلری سید صفدر حضرتلری ایدی که مفسرین عظامدن سید علی الترمذی سلاله سنه انتساب ایدیوردی ؛ بوضورتله سلسله نخبیه لر پیغمبرک حفیدی بولنان الحسین ابن علی ابن ابوطالب ایلله نهایت بولویوردی ؛ ده هاسن صباوتلرنده پدری افغانستانک یا تختی اولان کابلله عزیمت ایتمشدی ؛ جمال الدین هنوز چوجوقکن بویوک بر ذکا وسرعت انتقاله مالک اولدیغی کوسترییوردی ، سکیز یاشنده ایدی که پدری اونی تحت تربیه سنه آلدی ؛ [۳]

بوندن صوکره اون سنه قدر سورن مدت تحصیلیه سی ایچنده همان اسلامک بوتون سلسله علومنی دائره احاطه سی داخلنه آلمش بالخاصه صرف ونحو عربی ده ، علم لسان وبیانک بتون شعباتنده کذلک تاریخ وآلهیات اسلامیه نك بتون فروغنده ، تصوف ، منطق وفلسفه ده ، عملی نظری فیزیک ومتافیزیکده ، ریاضیاتده ، هیئتده طبعده ، تشریحده وسائرده ید طولا صاحبی اولمشدر . اون سکیز یاشنده هندستانی زیارت ایتمش ، اوراده بر سنه وبر قاج آی قدر قالمش ؛ وبومدت ظرفنده اروپا علوم وفنونندن بعض شیلر اوکرنه بیلیمشدر ، هندستاندن ، ایفانی حج ایتمک اوزره مکیه عزیمت ایتدی ؛ اورایه کیدنجه یه قدر خوش کونلر کچیردی ، نهایت ۱۲۷۳ ده بلده مقدسیه واصل اولدی . صوکره تکرار مملکتته دوندی . واوراده دست محمد خانک خدمتته کیردی . واکا عمجه زاده سی ودامادی احمد شاه طرفندن اشغال ایدیان هرات سفرنده رفاقت ایتدی .

دست محمدک وفاتنده یرینه شیرعلی کچدی (۱۲۰۸ هـ . ۱۸۶۴ م) وزیر محمد رفیق خانک اختطاری اوزرینه یکی امیر اوج برادرینی محمد اعظم ، محمد اصلم ومحمد امینی طوتهرق حبس ایتمک ایسته دی ؛ سید جمال الدین ایسه برنجینک معیتته کیرمشدی ، بو اوج قارداشک [۲] تاریخ بیداری ایران مؤلفی ده عربجه وثائقنک تحقیقات اوزرینه عینی شیئی تصدیق ایدیور .

[۳] تراجم احوالندن برنده دینیلورکه امیر عبدالرحمن خانک بویوک پدری دست محمد خان سید صفدرک املاکنی ضبط ایلله کابلده اقامته جبر ایتمشدی . بوضورتله اونی صبیق بر نظارت آلتنده طوتمش بولونویوردی .

[بورالینى شاعر محترمى عاكف بك افندى صراطك اولكى
نسخه‌ارنده موضوع بحث ایتشمدى . بزده تکراره لزوم کورمه‌دك
(جلد ۴ ، ۹۱۰ نومرو)]

مکيه کیده‌جك یرده سید جمال‌الدین استانبولی زیارتیه قرار
ویردی که اوراده صدر اعظم عالی پاشا و عثمانی پاتختیک اک ایلری
کلن اشرافی طرفندن بک زیاده حسن قبول کوردی . موصلتندن
آلتی آی صکره « انجمن دانش » ه اعضا انتخاب اولندی و ۱۲۸۷
رمضاننده دارالفنون مدیری خواجه تحسین افندی (مرحوم)
طرفندن طلبیه بر موعظه ترتیب ایتیمی رجا اولوندی ، اولاقدر اپی
تورکجه بیلمه‌دیکی اساسنه استناد ایدهرک اعتذار ایتدی ایسه‌ده نهایت
راضی اولدی ، نطفی قوییه ایدهرک صفوت پاشایه - که اوزمان معارف
عمومیه ناظری ایدی - شیروانی زاده‌یه (ضبطیه ناظری) و منیف
پاشایه کوستردی . هپسیده بکنیدیلر ، افسوس که اوزمانک شیخ
الاسلامی بولنان حسن فهمی افندی سیده بک حسد ایدیور ، نفوذی
قیرمق ایچون وسیله‌لر بولمغه چالیشیوردی .. حضرت مملکتک اکابر
رجال سیاسیه‌سی و غزته‌جیلری‌ده حاضر بولوندینی حالده معظم و ممتاز
بر مجلس حضورنده نطقی ایراد ایتدیکی زمان شیخ الاسلام خطیبک
مذهبنده صایققلق اولدینی کوستره‌جک برکله بوله‌بیلیمک ایچون صوک
درجه‌صرف غیرت ایدیوردی (۲۲ مارت ۱۸۷۱)

سید جمال‌الدین استانبولی ترک‌ایتدکن صوکره مصره‌کلدی اساساً
مقصدی مصرده آز برمدت قالمق ایدی ، لکن ناصلسه رضا پاشا
کندیسیله کوروشدی ، اقتدارینه حیران قالدی ، کنیدیسی ایچون
حکومتدن شهری بیک غروشلق بر معاش استحصال ایتدی ، خصوصی
بر خدمت ایچون دکل ، لکن بویه نامدار بر زاری احراز ایچون ! ..
صیت شهرتی ایشیدن طلبه‌لر آقین آقین اطرافه‌کلوب‌طوبولاندیلر .
و کنیدیلرینه کنیدی اقامتگاهنده موعظه‌لر و یرمسی ایچون ابرام
ایتدیلر . اوده اسلامک آلهیات ، فلسفیاتنه ، حقوقنه (فقهه) هیئت
و علم‌باطنه و الحاصل مسائل دینی‌نک اک مهملرینه دائر هیجانی و عظم
ویرر ، اولرک اعلاى افکارینه چالیشیردی : بو صورتله شهرت و
نفوذی مصرده کیتدکجه زیاده‌شمکه‌باشلادی : ویاواش یاواش طلبه‌سنی
مختلف موضوعلرده مختلف شکلده ، ادبی ، فلسفی ، دینی ، سیاسی
مقاله‌لر یازمغه تشویق ایله صنعت تحریرده کسب عمارسه ایتدیرمکه صرف
غیرت ایتدی !

بو صورتله مصرده بر جوق مقتدر محررلر یتشدی ، ایچلرندن اک
ایلری کلنلری عبدالله پاشا فکری ، خیری پاشا ، محمد پاشا ، مصطفی پاشا
وهبی ، ودها بر چوقلریدر . لکن شمدی به قدر سیدک همماتی سایه‌سنده ،
کنج و مقتدر محررلرک مقداری سرعتله آرتدی ..

مع مافیة بوراده‌ده بعضی پرلرده حسد و خصومتلر او یاندیردی ،
بر یاندن اسکی اصول متصوفلر فلسفه تحصیلانی احیایه چالیشیوردیه
افزا ایدرلرکن دیگر طرفندن انکلیز جنرال قونسولوسی میسترویویان
(دها صکره لورد) اولنک فعالیت سیاسیه سندن قوشقولانه‌رق

هربری کندو ولایتلرینه قاچیدیلر ، داخلی بر محاربه باش کوستردی
نهایت محمد اعظم ویکنی عبدالرحمن (صوک امیر) پاتختی اشغال
ایتدیلر . و عبدالرحمنک پدری بولونان غزنه‌ده محبوس محمد افضل
زنداندن چیقاره‌رق امیر اعلان ایتدیلر ، مع مافیة اولنک‌ده امیرلکی
چوق سورمدی ، بر سنه صوکره وفات ایتدی . یرینه محمد اعظم
کچدی ..

جمال‌الدینی کنیدینه باش وزیر یادی . اولنک اداره حکومتده‌کی
مهارت و وقوفی سایه‌سنده ، ویره‌جکی نصیحتلره ، کوستره‌جکی تدبیرلره
توفیق حرکت ایدهرک دائرة حکومتی داخلنده بولونان ممالکی حسن
اداریه موقوف مالیه بیلیردی ، فقط تعلقاتنه اولان حسدندن
واولردن برینی استخدا مه عدم رضاسندن دولای یانه‌کندی
اوغلرندن اک کنج واک تجربه‌سزینی آلدی . بو ائنده رقیبی امیر
شیر علی قندهاری اشغاله دوام ایتمکده و اوراده حالاً ، پدرینک توجه
مخصوصی جلب ایتمک ایچون کوزه چارپاجق برایش کورمک
امیدیه حرب ایدن محمد اعظمک اوغلرندن بری ، وکنیدی یکنی
طرفندن دوچار هجوم اولمده ایدی . بو کنج مهاجم آدم‌لرندن
ایکی یوزیه اردوسنک کلیتی قسمندن آیریلر ق یالکیز قانتجه درحال
اطراقی قوشادیلر ق شیر علینک جترالردن بری اولان یعقوب خان
طرفندن اسیر ایدلدی . بونک اوزرینه شیر علی تکرار جسارت
بوله‌رق محاربه‌یه دها زیاده شدت ویرمش . وکنیدینه تقدماً ابدالکارانه
معاونت‌لرده بولونان انکلتربه دایانه‌رق نهایت برادری محمد اعظم
ویکنی عبدالرحمن خان اوزرلرینه غلبه‌یه موفق اولمشدی . که
بولردن برنجیسی عجمستانده نیشابوره قاجش و اوراده بر قاج
آی صوکره ترک حیات ایتمش ، دیگرى‌ده بخاریه قاجهرق قورتوله
بیلمشدر . مع مافیة سید جمال‌الدین شیر علینک حمایه‌سی آلتنده ینه
کابلده قاله بیلمشدر . زیرا امیر اولنک نسل نجینه واهالی اوزرنده‌کی
شخصی تأثیرینه حرمت ایتمشدر . لکن بر مدت صکره مملکتی ترک
ایتمکی احتیاطه دها موافق بوله‌رق تکرار ایفای حج ایتک اوزره
امیردن اذن آرامش و استحصالده ایتمشدر . لکن بواذن شو شرطله
اعطا اولونمشدی که عجمستان طریقله کچمکدن صرف نظر ایده‌جکدی .
زیرا اوراده امیر اعظم ایله بولوشمق قورقوسی واردی .

بو شرطه توفیق حرکت ایدهرک مکيه متوجهاً هندستاندن یوله
چیقدی (۱۲۸۵ - ۱۸۶۹ م) اوراده هندستان حکومتی طرفندن
عزوا کرام ایله قبول اولوندی . مع مافیة مسلمان افکاری رؤسایه
کورشدیرلمه‌دی ؛ کنیدیسی دائماً صیق بر نظارت آلتنده بولوندرلدی
و وروندن بر آی صوکره حکومت اوینی کیلرندن برینه ارکاب ایله سواشه
کوندردی ؛ بونک اوزرینه ایلاک دفته اولمق اوزره قاهره‌یی زیارت
ایتدی .

اوراده قرق‌کون قالدی : بومدت ظرفنده بویوک الازهر دارالفنون-
ننه دوام ایدر ، طلبه و معلملرینک اکثریله مصاحبه‌لرده بولونور
ایچلرندن اک کزیده‌لرینه‌ده کنیدی اقامتگاهنده موعظه‌لر ویرردی .

انکلیز مدیران امور سیاسی سی طرفدن شایان دقت اولدینی قدر دهشتلی بر شخصیت مالک عد اولونوردی ..

بوکار غما، جمال الدین بوجرانلی دوره اثناسنده لوندره یکلدی (۱۸۸۵) لورد راندولف جورجیل، سیر دروموند وولف ایله ملاقات ایتدی حتی اوله ظن ایدرم که لورد سالیسبوری بیله ، اونک سودانده ظهور ایدن مهدی غانله سی وبالخاصه - (میستر ویلفرید بلانت) ک حکایاتندن ده مستبان اوله جنی وجهله - اونکله اوپوشه بیلمک چاره لری حقنده کی نقطه نظرینی آ کلامق ارزوسنده بولونویوردی عروة الوثقـانک قاپانمه سی اوزرینه سید جمال الدین بارسى ترك ایله موسقووا وسن پترسبورغه عزیمت ایتدی [۲] اوراده پک مسا - عده کار بر قبوله مظهر اولدی ودرت سنه قدر اقامت ایتدی . بو مدت ظرفنده چاره اجرای نفوذ ایدره ک قرآن وسائر کتب دینیته نک طبعنه مساعده استحصال ایتمکه روسیه مسلمانلرینه پک بیوک خدمتی دوقوندی .

سید جمال الدین ده روسیه نک پایتختنده اقامت ایتمکه ایکن ناصرالدین شاه اونى صیق صیق زیارت ایدیور ، فقط اخطار قرالی بیلمیوردی . حال بوکه بر مدت صکره ایکسی آراسنده مونیخده بر ملاقات وقوعه کلشیدی . شاه ایران اونه کله برابر دونمک ایچون استعجال کوستردی ؛ اونى باش وکیل پایه جفنی بیلدیریوردی .. فقط او پارش سرکیسنی کورمک ارزو ایتدیکی بهانه سیله کیتمک ایسته مدی ؛ نهایت محبی شیخ عبدالقادر المفرینک اخطاراته رغماً شاهک ابرامانی بکه مدی ، شیخ اوکا دییوردی که : « سن ناصل اولویورده اولیه بر موقعده انشای خدمت ایتمکه حاضر لانیورسک ؛ مذهب سنئی جبر ایتمکی ایسته یورسک ؛ فسبحان الله ! » سید جواب ویریوردی : « پک صاحبه بر صورتده واونک طرفندن مجنونانه ! » لکن هیچ بر زمان شاهه رفاقت ایتمه دی . واونک یاننده بر مدت ایچون قالدی ، مع مافیه ، بر مدت صوکره شاهک احوال واطوارنده کنیدیسی ایچون موجب شبهه بعض تحولات نظر دقتی جلب ایتدی . اوزوپایه دونمک ایچون رخصت آرادی ؛ مطلوبی رد اولوندی .. اوده بونک اوزرینه شاه عبدالعظیمک درگاهنه کیتدی .

ارتق شاهه قارشى اولان خصومتی اعلان اولونمشدی ؛ نظرلنده یازیلرنده دائماً ارنک علیهنده اداره کلام ایتدی ، خلغنی توصیه ایتدی ، اطرافنه بر چوق مریدلر طوبیلا دی . بونلرک ایچندن اون ایکسی پک عالی بر موقع طوتار ؛ برنجیسی عجمستانک ایلك مجلس ملیسی

[۲] آکلاشلایغنه نظراً روسیه نی ایکی دفعه زیارت ایتدی بر دفعه انکلیز حکومتیه آکلاشه مانجه ، بر دفعه ده ۱۸۸۹ ده ناصرالدین شاه ایله مونیخده کورشدکن صوکره که اوزمان امین السلطان اونى روسیه خارجیه نظارته محرمانه بر مأموریتله کوندرمشدی ، مشاهیر شرقده کی ترجمه حالجه اولا ناصرالدین شاهک تلفرافله وقوع بولان دعوتنه اجابة یتمش ، حربیه نظارته تعیین اولونمش اصفهانده ظل السلطانی کورمش ، صکره دن تبدیل هوا ایتک اوزره ایراندن خروجه مساعده اولونمش ۱۸۸۱ ده عجمستانی ایکنجی دفعه زیارت ایتش ۱۸۹۰ ده تکرار اخراج ایدلشدر .

اووقتلر خدیوک مقامنه کچن توفیق پاشایه اجرای نفوذ ایله ، کند - یسنک رفیق صادقی ابوتراب ایله برلکده مصردن اخراجنی امر ایتدیرمکه موفق اوله بیلدی . بو ۱۸۷۹ ایلولنده واقع اولیوردی . بونک اوزرینه سید جمال الدین تکرار هندستان یولنی طوندی . (دککن) ده (حیدرآباد) ده اختیار اقامت ایتدی . دکن که یوقاریده سوبلیکمز کی « مادیونهریه » سنی او وقت اوراده یازدی ؛ فارسی اولان اصلی ۱۲۸۸ ده طاش باصه سیله طبع اولوندی .

۱۸۸۲ دهکی (کنج مصرلیر) حرکتی - که سید جمال الدین اونى ایلك اول غایه امل ایدنمشدی - خدیوک استبداد وتجاوزاتی تحدید ، اجنبی مداخله وتفتیشی منع مقصودینه مبتنی ایدی . عربی پاشانک عصیانى ، اسکندریه نک طوپه طوتولمه سی شل الکبیر محاربه سی وانکلیز استیلاسی ایله حدالفایه سنه واصل اولدی ، ایکی طرفدن خصومت باطلامازدن اول جمال الدین هند حکومتی طرفندن حیدرآباددن قالدیرلهرق قالدکوتایه کوتورلمش اختلال بیتجهیه قدر اوراده توقیف ایدلمش و آرتق مصر ملیت پرورانی مغلوب اولدینی زمان ، هندستانی ترك ایچون کنیدیسنه مساعده ایدلشیدی ، اولا لوندریه کلدی اوراده بر قاج کون قالدی صوکره پارسا کیتدی ، اوراده اوچ سنه قدر اقامت ایتدی .

پارسله کنیدیسنه ، رفیق افکاری و محب صادقی شیخ محمد عبده التحاق ایتدی [۱] ۱۸۸۲ مصر اختلالنه مدخلدار اولمق تهمتیه مملکتندن تبعید اولونمشدی . ایکسی برلکده عربجه هفته لى بر غزته چیقاردیلر . عروة الوثقی ! . . . (دها چوق سیامی و صوک درجه انکلیز علیهنده !) (تاریخ بیداری ایران) ه نظراً ابوتراب اصلاً مجتهد اعظم آغا سید محمد طباطبائی نازنده ایدی ؛ صوکره دن سیده شدتلی بر محبت باغلایهرق آرتق هیچ اونک یانندن ایرلمادی .

فرانسزجه Le lien Indissoluble عنوانی ده طاشیان بو غزته نک - که ۶ نجی نسخه دن اعتباراً پارسله رو مارتل ده طبع اولونویوردی . ائمه نک بر نسخه سی واردرکه ۱۷ نجی نومروسیدر ۲۵۰ قور ۱۸۱۴ تاریخی حاویدر ؛ بوندن آکلاشیلورکه غزته او سنه نک مایسنده تأسیس اولونمشدر .

۱۸ نجی نومروسی صوکنجیسی اولدی ، زیر انکلیز حکومتی هجوملرینک شدتندن در حال تلاشه کلهرک ، و کیتدکجه آرتان تأثیر اتندن غزته نک هندستانه دخولی منع ایتدی . حتی موجودیتده بر نهایت ویرمک ایچون بلکهده باشقه چاره لره ده توسل ایتدی ، پارسله ایکن اولدقجه فرانسزجه اوکره نمکه موفق اوله بیلن جمال الدین مطالعاتی اوروپا مطبوعاتنده نشر ایتدی و (اسلام وفنون) حقنده رنان ایله فلسفی بر مناقشهیه کیریشدی ؛ انکلتزه ، روسیه ، تورکیا ، مصر حقنده کی سیاسی مقاله لری در حال انکلیز مطبوعاتنه کچر وبونلر زمانک

[۱] صوک مصر مفتیسی شیخ محمد عبده نک مکمل بر ترجمه حالی برنجی شاگرد ورفیق (اولان مصرده آیده بر انتشار ایدن المار رساله عربیه سی صاحب) سید محمد رشید رضا طرفندن نشر اولونویورایدی بنده برنجی وایکنجی جلدلری وار برنجیسی ۵۶۰ ایکنجیسی ۴۲۸ صفحه .

کرامتدین میرزا آغا خان و شیخ احمد کرمانی ، (جیرالملک) حاجی میرزا حسن خان کلدی و بودردینک عجمستان حکومتیه تسلیمی تورکیان طلب ایدلدی . صوک اوچی طوتوله رق عجمستانه اعاده اولوندیلر و آشاعیده ناصرالدین شاهک قتلنه عائد بمخترده کوریله جکی وجهله هبسی ده تبریزده کیزلیجه تلف ایدلدیلر سید جمال الدینه کلنجه سلطان اونی اعاده دن استنکاف ایله مشدی . ملت مسئله سی تام زماننده اورته یه چیقدی . زیرا حقیقه افغانلی اولسه یدی کیمک حمایه سنه کیره جکدی بلایه باقکزه انکلترونک ! .. زیرا افغانستانک خارجده سیاسی وکیللری یوقدر ؛ افغانستان تبعه سنک محافظه منافعی وکاله حامی حکومت انکلترونکلی تکفل ایتشدیر ، مع مافیه سید حقیقه افغانلی اولمادیغدن و یاخود بونجه زماندن بری علیه اعلان بغض و نفرت ایتدیکی بر دولتک قوچاغنه ولوک محافظه نفس ایچون بیله آتلمغی هر نه دنسه مناسب کوره مدیکی ایچون عادتا کنسینی حمیدک آله تسلیم ایتدی ..

فقط سلطان یوقاریده دیدیکمز کبی اونی ایرانه تسلیمدن امتناع ایتدی .

مابعدی وار

علیه ویا له مزده نه لر سویلانیور ؟

الحائن خائف : آفریقهای اسلامی بی ، بر باشند او بر باشه قدر طومنه چالیشان فرانسه داینلر هجومی کابوسندن بر درلو قورئیه - میور ؛ آسیای اسلامی بی ماینلرنده بولمیه اوغراشان اسکلترو روسیه ایسه هند ، چین و تورکستان مسلمانلرینک انتباهی قورقوسیه دائما بی حضوردرلر . اسکیدن آوروپالیر متصل « صاری تهلکه » وار دیهرک ، اونی بهانه اتخاذایده رک ، چینه ، هند چینی یه ، ژاپونیا به صالدریوب طورییورلردی . نهایت دیدکری کلدی ، چیقدی : ژاپونیا باشلرینه حقیقه بر « صاری تهلکه » چیقدی ؛ چین ده ، بوکون ، یارین ، ژاپونیا دن دهامدهش - شاقا دکل ، ۳۵۰ میلیون بر خلق ، بر عالم .. بر « صاری بلا » اولاجق .. ژاپونیا طیاغندن صوکره روسلر دیلرینه « یشیل تهلکه » بی دولادیلر . « یشیل تهلکه » عالم اسلامک ، باشده خلیفه لری اولمق اوزره ، اتحاد ایتمه لریدر ، ۳۰۰ میلیون موحدین ، بی ذیشانک یشیل سنجاغی آلتنده برلشوب ، عصرلردن بری کنسیدیلرینی صویان ، ازن ، تحقیرایدن زنکین ، ظالم ، فقط آرتق نقطه کالندن نزله باشلامش اوروپایه قارشى حرکت ایدرسه ، اوروپالیر ایچون جدا قورقچ بر « یشیل تهلکه » اولور . لکن یازیق که عالم اسلام حالا پک متفرق ، پک متشتدر . خصمان ، « اتحاد اسلام » ی ، « یشیل تهلکه » بی آنجق حبه بی قبه یاهر ق کوریورلر و مسلمانلره وسیله تعرض اولمق اوزره ، بویله مبالغه واعظام ایدیورلر ، بزده ، بوندن عبرتین اوله رق ، ژاپونلرک « صاری تهلکه » بی بوشه چیقارمدقلری کبی « یشیل تهلکه » بی وهم و خیال عالندن ، ساجه

زماننده عدلیه ده اجرای حاکمیت ایدن شیخ علی القز وینی که باغ شاه محبوسینندن بری اولوب شاهک آتش غضبه اک زیاده دوچار اولان مظلومیندن بریدر . صوکره استانبوله فارسیجه چیقان « اختر » ک ناشر وکیل میرزا آغا خان که شیخ احمد کرمانی ایله ۱۷ تموز ۱۸۹۶ ده تبریزده کیزلیجه تلف ایدلشدیر ؛

صوکره میرزا رضاخان کرمانی که ۱ مایس ۱۸۹۶ ده شاهی قتل ایله عینی سنه ک تموز ۱۲ سنده طهرانده صلب اولومشدی . برده میرزا محمد علی خان طهرانی که مذهبی رد ایچون بر (ردالمذاهب) .. اثر یازمشدر .

نهایت شاه اونی مملکتدن چیقارمغه قرار ویردی صوک التجا ایتدیکی یره جبراً دخوله جرأت ایتدی و توقیفنه ۵۰۰ آتلی مأمور ایتدی (اوله بر زمانده که خسته بر حالده پاتاقه ایدی) بونلر اوکا تورکیا حدودینه قدر رفاقه مأموردیلر ؛ بو حرکت سیدک مفتونی اولانلر آره سنده بویوک بر انفعال اویاندیرمش ؛ و صوک بابلردن آکلاشیله جنی وجهله ناصرالدین شاهک ۱۸۹۶ ده قتلنه باعث اولان اسبابدن اک قوتلیسنی تشکیل ایلمشدر .

سید جمال الدینک ایراندن بو سفرکی اخراجی تاریخی بیلمیورم . لکن ۱۸۹۰ سنه سنک نهایترینه یاخود ۱۸۹۱ سنه سنک اوائلنه طوغری اولسه کرکدر ؛

۱۸۹۱ صوک بهارنده لوندرده ایدی ؛ اوکا بر دعوت اوزرینه پرنس مالقوم خانک (هولاند یارق) دهکی اونده راست کلدیم ..

او اوکه بو معظم دیپلوماتک شاه ایله اولان منازعه سنه قدر عجمستان سفارتخانه سی اولمشدی ؛ سیداسمنده کی احتیاسات شخصیه متون امتیازاتندن باحث ایکنجی بابده بیان اولونه جقدر .

لوندرده بولوندینی مدتجه بر چوق ملاقاتلرده بولوندی . (عجمستانده ترور اجرای حکم ایدیور) بر لوحه سی آلتنده شاهک افعال کیفیه سنه شدلی هجوملر ایدن مختلف سیاسی مقاله لر یازمقدن کری دورمادی ۱۸۹۷ ده سید تکرار استانبوله کیتدی که حیاتک صوک بش سنه سی بوراده کجی ؛ سلطان حمیدک توجه شاهانه (۱) سنه مظهر اولمشدی ؛ سلطان اونی هر کوردیکی زمان شاهه قارشى اولان اعتراضاتی آرتق کسمسی لزومنی بیلدیرردی .

دیورددی که « عجم سفیری بی هر کوروشنده مسئله بی آچور . برنجی وایکنجی دفعه لر هیچ بر شی دیمه دم ، فقط آرتق اوچنجی دفعه سنده ، بوبابده اجرای نفوذ ایتکی وعد ایتدم ، سید جوابا دیدی که خلیفه عصرک امرینه اطاعة ایران شاهنی عفو ایدیورم ایران شاهنی عفو ایدیورم ایران شاهنی عفو ایدیورم » بونک اوزرینه سلطان تصدیق کارانه علاوه ایتدی ؛ حقیقه ایران شاهی سندن پک قورقیورلر ؛ بو قورقو حادثات اخیره ک کوستره جکی وجهله پک ده بی اساس دکلدی .

ناصرالدین شاهک ۱ مایس ۱۸۹۶ ده میرزا رضای کرمانی طرفندن قتلی اوزرینه شبهه ایلک اول (پک حقسنزجه) بابلر اوزرینه دوشدی ، صوکره صیره سید جمال الدین وبعده رفقهای